

Bosna i Hercegovina – Federacija Bosne i Hercegovine

Projekat za upravljanje slivom rijeke Drine na Zapadnom Balkanu

**Globalni fond za životnu sredinu (GEF), broj: TF0A2317 i
Specijalni fond za klimatske promjene (SCCF), broj: TF0A2320**

**JAVNI POZIV
za dodjelu sredstava podrške iz Programa malih grantova (PMG)
br. BA/WBDRBMP/PMG-FBIH-01**

Ministarstvo vanjske trgovine i ekonomskih odnosa Bosne i Hercegovine objavljuje Javni poziv za dodjelu sredstava podrške iz Programa malih grantova projekta Upravljanje slivom rijeke Drine na Zapadnom Balkanu koji se realizira u suradnji sa Svjetskom bankom uz podršku GEF-SCCF fondova.

Projekt ima tri komponente i to: (1) međudržavna suradnja na prekograničnom upravljanju slivom rijeke Drine; (2) pilot investicije za integrirano upravljanje slivom rijeke Drine i (3) upravljanje projektom, monitoring i evaluacija.

Program malih grantova (PMG) dio je komponente 2 i podkomponente 2A projekta. Cilj podkomponente 2A jeste jačanje kapaciteta otpornosti na klimatske promjene. Ova komponenta će podržati bolju pripremljenost za prijetnje nastale usljed poplava i suša uz optimalno iskorištavanje ekoloških resursa sliva rijeke Drine i angažiranjem lokalnih zajednica.

Program malih grantova je prvenstveno usmjeren na podršku projektima koji se odnose na održivo iskorištavanje vodnih resursa i očuvanje biodiverziteta, kao i na omogućavanje većeg uključivanja lokalne zajednice i NVO u procese donošenja odluka. Specifični ciljevi su:

- pokazati kako održivo iskorištavanje vodnih resursa i očuvanje biodiverziteta može imati opipljive koristi za lokalnu zajednicu,
- podržati relevantne postojeće aktivnosti na lokalnom nivou koje doprinose ciljevima Projekta,
- ojačati obrasce razvoja ruralne ekonomije koji u potpunosti uzimaju u obzir održivo iskorištavanje vodnih resursa i biodiverziteta i koji se mogu dalje širiti na području sliva Drine,
- testirati inovativne tehnologije i pristupe za održivo iskorištavanje vodnih resursa i očuvanje biodiverziteta
- ojačati proces participativnog planiranja koji uključuje interese lokalne zajednice u razvoj ruralne ekonomije.

DEFINICIJA KORISNIKA SREDSTAVA PODRŠKE

Pravo na podršku kroz ovaj Javni poziv mogu ostvariti sljedeće organizacije:

- A. Privatni sektor: Pravna lica, univerziteti, fakulteti (u stranom i u domaćem vlasništvu);
- B. Fizička lica koja posjeduju vještine, znanje i resurse neophodne za sprovođenje predloženih aktivnosti;
- C. Državni sektor - lokalne samouprave, poduzeća, univerziteti, fakulteti i naučnoistraživačke institucije;
- D. NVO sektor - nevladine organizacije, lokalna udruženja.

UVJETI ZA OSTVARIVANJE PRAVA NA PODRŠKU

Pravo na podršku kroz ovaj Javni poziv može se ostvariti pod uvjetom da:

- Dokumentacija koja se podnosi uz Zahtjev nije starija od 6 mjeseci;
- Kod nabave materijala/opreme samo se financiraju novi i nekorišteni materijali/oprema;
- Investicija mora da bude realizirana sukladno nacionalnom zakonodavstvu;
- Korisnik je državljanin Bosne i Hercegovine za fizičke osobe, a za gospodarska društva da je registriran u Bosni i Hercegovini;
- Korisnik se nalazi na teritoriji obuhvaćenju Projektom (Goražde, Foča FBiH, i Pale – Prača FBiH).

VISINA PODRŠKE

- Projekti za koje se traži dodjela sredstava biće razvrstani u jednu od sljedeće dvije (2) kategorije:
- Mali projekti do 5000 USD
- Srednji projekti do 10.000 USD

Ukupan iznos sredstava je ograničen i aktivnosti koje se podržavaju kroz ovaj Poziv moraju biti završene do 31.10.2020.

NAČIN PODNOŠENJA ZAHTJEVA ZA ODOBRAVANJE SREDSTAVA PODRŠKE

Zahtjevi se dostavljaju sukladno sa procedurom propisanom **Priručnikom za realizaciju malih grantova** koji sadrži Obrazac za prijavu (Prilog 1) i Smjernice za prijavu (Prilog 2), a može se preuzeti sa internet stranice Ministarstva vanjske trgovine i ekonomskih odnosa Bosne i Hercegovine u dijelu: Energetika / Javni pozivi - unutar Javnog poziva će biti link sa nazivom **Priručnik**.

Prijave za Program malih grantova dostaviti isključivo putem pošte na adresu:

Ministarstvo vanjske trgovine i ekonomskih odnosa Bosne i Hercegovine
Odsjek za implementaciju projekata
n/r: Amela Jašić
Musala 9;
71000 Sarajevo
email: amela.jasic@mvteo.gov.ba

Trajanje Javnog poziva je 15 kalendarskih dana od dana objavljivanja Javnog poziva u dnevnom listu "Oslobođenje", dok će se obrada i odobravanje primljenih Zahtjeva vršiti nakon završetka Javnog poziva.

Ministarstvo vanjske trgovine i ekonomskih odnosa Bosne i Hercegovine će, nakon završenog Javnog poziva za dodjelu podrške iz Programa malih grantova, formirati Povjerenstvo za male grantove koje će razmatrati pristigle Zahtjeve, izvršiti bodovanje i rangiranje na osnovu kriterija propisanih ovim Priručnikom i donijeti Odluku o korisnicima podrške koji ispunjavaju uvjete za ostvarivanje prava na podršku.

Na osnovu Odluke Povjerenstva o prihvatljivosti Zahtjeva za odobravanje podrške, Ministarstvo će donijeti Rješenje o odobrenju Zahtjeva za podršku. Realizacija investicije od strane korisnika može početi tek po donošenju Rješenja o odobrenju Zahtjeva za podršku i potpisa Ugovora.

POMOĆNIK MINISTRA
dr. Admir Softić

